

VERSLAG RAKENDE DIE SAKE VAN DIE SORGVERSKAFFER VIR DIE PERIODE 1 MAART 2024 TOT 28 FEBRUARIE 2025

Die verslag is voorberei vir die inligting van lede van die Bestuursvereniging ingevolge Klousule 33(1)(k) van die Grondwet.

Klousule 48(2) van die Grondwet bepaal dat direkteure van die Sorgverskaffer (OWOBV (Edms.) Bpk.) trustees van die Bestuursvereniging moet wees.

Die volgende trustees dien as direkteure op datum van hierdie verslag vir 'n onbepaalde termyn ingevolge Artikel 68(1) van die Maatskappyyewet (Wet Nr. 71 van 2008):

Mnr. Hennie Hurter
Mnr. Chris Heyns
Mnr. Bruno Wehrle
Mnr. Ferdie van der Merwe
Mnr. Frits Vleggaar

Die direkteure vergader maandeliks in die week voor die trusteevergaderings. Afskrifte van die notules, finansiële maandstate, balansstate en debiteureverslae word by die vergaderings van die Raad van Trustees ter tafel gelê.

Die verslagperiode was die agste volle finansiële jaar in werking onder die bestuur van Me Ina Prevedello, bygestaan deur haar goed opgeleide personeelkorps.

Die multi-dissiplinêre span is saamgestel uit:

- Matrone Ina Prevedello – Verpleegbestuurder
- Dr. Theresa Swart – Mediese praktisyn met nagraadse opleiding in palliatiewe versorging.
- Dr. Mariaan Kühn – Mediese praktisyn
- Dr. Marilize Vlok – Mediese praktisyn
- Me. Edna Lampbrechts – Maatskaplike Werker
- Me. Lindie Uys – Arbeidsterapeut
- Geregistreerde Verpleegsters by die Sorgsentrum

Die span voer gereelde besprekings, persoonlik of by wyse van hul WhatsApp-groep.

Die geouditeerde finansiële state vir die verslagperiode, sal aan lede gesirkuleer word vir oorweging by die Algemene Jaarvergadering.

Resultaat vir die jaar tot 28 Februarie 2025

- 1. Inkomste:** Bedra R8 688 890 vir die jaar, R21 000 onder begroting. Die bedbesetting van die Sorgsentrum was bevredigend.
- 2. Uitgawes:** Dit het R10 461 134 bedra vir die jaar, R68 000 onder begroting.
- 3. Netto Bedryfstekort:** Die netto bedryfstekort vir die jaar het R1 772 244 beloop.
- 4. Fondse:** Die lening van Oude Westhof Bestuursvereniging het vermeerder tot 'n balans op jaareinde van R1 654 922.
- 5.** Een van die twee oorblywende hulsorgwoonstelle was gedurende die 2024-2025 finansiële jaar verkoop, wat 'n wins van R714 372 gerealiseer het

BEGROTING 2025-2026

Hoewel die begrote inkomste met meer as R683 196 in vergelyking met die vorige finansiële jaar sal styg, is 'n netto-verlies van R1 333 933 onafwendbaar.

OPVOLGBEPLANNING: VERPLEEGBESTUURDER

Verskeie gesprekke is reeds deur die Direksie van die Maatskappy gevoer rakende hierdie baie belangrike aangeleentheid. Dit is die Direksie se mening dat 'n geskikte persoon nou reeds geïdentifiseer moet word, aangestel word en die nodige opleiding ontvang, ten einde te verseker dat 'n gladde oorgang plaasvind, wanneer Matrone Ina Prevedello nie meer beskikbaar sal wees vir diens aan die Maatskappy nie.


Die aanstelling van senior geregistreerde verpleegsters word reeds gedoen met die oog daarop om 'n geskikte persoon te identifiseer en die nodige opleiding te verskaf, as opvolger vir Matrone Prevedello. Tot datum was ons egter onsuksesvol om sodanige persoon te identifiseer wat aan ons behoeftes sal voldoen. Daar word egter voortgegaan met pogings om 'n geskikte persoon te identifiseer.

ALGEMEEN

Die Maatskaplike Werker en Arbeidsterapeut is steeds in diens op 'n uurtarief. Hulle lewer nie alleenlik diens aan die inwoners nie, maar is ook deurlopend behulpsaam met die opleiding van personeel in hul onderskeie vakgebiede.

Ten slotte wens die Direksie sy dank en waardering aan die Verpleegbestuurder en haar personeel oor te dra vir die lojaliteit en toewyding wat hul deurgaans openbaar in die uitvoering van hul pligte.

Aan mnr. Gerhard van der Merwe, die Maatskappy-Sekretaris, ons opregte dank en waardering vir die wyse waarop hy te alle tye beskikbaar is om behulpsaam en tot diens van die Sorgsentrum te wees.



HW HURTER
VOORSITTER: RAAD VAN DIREKTEURE
12 JUNIE 2025